



03.04.2025

ՁԻՀ/Ֆ-39

**ՄԵՂՐԻԻ ՀԱՄԱՅՆՔԻ ՂԵԿԱՎԱՐ  
ՊԱՐՈՆ ԽԱՉԱՏՈՒՐ ԱՆԴՐԵԱՍՅԱՆԻՆ**

**Հարգելի պարոն Անդրեասյան,**

Սույն նամակով խնդրում ենք առաջիկա ավագանու նիստի ընթացքում քննարկել «Ագարակի համատեղ ստեղծագործական լաբորատորիայի» հիմնադրման և համապատասխան պայմաններով տարածքի տրամադրման հարցը:

**Համայնքապետարանից ակնկալվող աջակցություն**

**1. Տարածքի տրամադրում**

Խնդրում ենք անհատույց հատկացնել Ագարակի համայնքապետարանի մասնաշենքի երկրորդ հարկում գտնվող 55.6 քմ մակերեսով տարածքը լաբորատորիայի գործունեության համար (նախատեսվում է, որ հիմնադրվող լաբորատորիան կգործի հիմնադրմանը հաջորդող առնվազն 10 տարվա ընթացքում):

**2. Գործառնականան ծախսերի հոգում**

2025 թվականի մայիսից հետո՝ շարունակել հոգալ լաբորատորիայի հիմնական կոմունալ և տարածքների սպասարկման ընթացիկ ծախսերը՝ ապահովելով դրա անխափան գործունեությունը:

**3. Համայնքային ներգրավվածություն**

Խթանել դեռահասների ակտիվ մասնակցությունը համայնքային կյանքին և ապահովել նրանց կապակցումը տեղական և ազգային զարգացման նախաձեռնություններին:

**4. Մուտքի հասանելիություն**

Երաշխավորել, որ լաբորատորիայի աշխատակիցներն ու երիտասարդները մուտք ունենան տարածք անկախ Ագարակի վարչական շենքի աշխատանքային ժամերից:

**Ծրագրի իրականացումն ու աջակցությունը**

**• Ծրագրի համակարգում**

Ծրագրի համակարգման և զարգացման աշխատանքները կիրականացնի «Ձեռնարկությունների ինկուբատոր» հիմնադրամը՝ ապահովելով լաբորատորիայի հիմնադրման, առաջնային վերանորոգման, գործունեության և անձնակազմի վերապատրաստման ամբողջական գործընթացը:

- **Կրթական և ձեռնարկատիրական զարգացում**  
 Հիմնադրամը կմշակի ձեռնարկատիրության, թվային հմտությունների և տեխնիկական վերապատրաստման ծրագրեր՝ նպաստելով տարածաշրջանի աշխատաշուկայի զարգացմանը: Այն նաև կհետևի ծրագրի արդյունավետությանը և կխթանի համագործակցությունը տեղական բիզնեսների, կրթական հաստատությունների և ոլորտային կազմակերպությունների հետ՝ ապահովելով նորարարական և ձեռնարկատիրական միջավայր:
- **ՅՈՒՆԻՍԵՖ-ի աջակցություն**  
 ՅՈՒՆԻՍԵՖ-ի հայաստանյան գրասենյակը կաջակցի ծրագրի իրականացմանը՝ համակարգելով շահագրգիռ կողմերի գործողությունները, ապահովելով վերահսկողություն, ֆինանսավորում և փորձի փոխանակում:

Գրասենյակը նաև կաշխատի պետական մարմինների և գործընկերների հետ՝ ծրագրի շարունակականությունն ու երկարաժամկետ ազդեցությունը երաշխավորելու համար: Համոզված ենք, որ այս նախաձեռնությունը կնպաստի համայնքային զարգացմանն ու երիտասարդների կրթական և մասնագիտական աճին:

Կանխավ շնորհակալ ենք Ձեր ուշադրության և աջակցության համար:

Հարգանքով՝

Բ. Ենգիբարյան  
 Տնօրեն

